

De nieu'e bokse (vervolg)

Maor wat no te doon, Annie kon het neet redden um de bokse nog klaor te kriegen. Er zat niks anders op dat Jan toch maor met de olde bokse an naor het feest mos gaon. Maor een geluk hadden ze. Jan kon in ieder geval wal het nieu'e overhemd, wat Jo bi' de bokse 'ekocht had, andaon want den passen ok wal bi' d'n olde bokse. Het overhemd worden uut het papier 'ehaald maor to'n Jan dat antrok worden de wereld te klein. Um het lichaam passen het perfect maar Jo had er neet oplet dat er ok overhemden waren waarvan de mouwen extra lang uutv'elen.,,Ie konden van de stukken dee overwaren wal washandjes maken" zei Jan later altied. Uutendelijke ging Jan met zien olde pak en overhemd an maor wal met het nieu'e strik, dat ze cadeau hadden 'ekregen, umme naor het in hun ogen deftige feest.